

Memorijalni centar Srebrenica-Potočari Spomen obilježje i mezarje za žrtve genocida iz 1995. godine

Broj: 05-16-3-1051-9/24

Srebrenica, 15.05.2025. godine

Na osnovu člana 70. i 64. stav (1) Zakona o javnim nabavkama („Službeni glasnik BiH“ broj: 39/14, 59/22 i 50/24), Pravilnika o internim procedurama u postupku javne nabavke u Memorijalnom centru Srebrenica i direktnom sporazumu, broj: 01-02-3-1508/21 od 29.10.2021. godine, broj: 01-02-3-170/23 od 23.01.2023. godine i broj: 01-02-3-1847/24 od 02.08.2024. godine, i preporuke Komisije za nabavke konstatovane u Zapisniku o pregledu i ocjeni ponuda u postupku javne nabavke putem konkurentskog zahtjeva, broj: 05-16-3-1051-8/25 od 13.05.2025. godine, direktor Službe Memorijalnog centra Srebrenica-Potočari Spomen obilježje i mezarje za žrtve genocida iz 1995. godine, donio je

O D L U K U**o izboru najpovoljnijeg ponuđača putem konkurentskog zahtjeva
za javnu nabavku: “Usluge izrade projektne dokumentacije“ (LOT 1 i LOT 2)****Član 1.**

Ugovor za nabavku usluge: **LOT 1 – „Elaborat o stanju konstrukcije tri objekta u Memorijalnom centru Srebrenica-Potočari“**, dodjeljuje se ponuđaču **Institut za građevinarstvo IG d.o.o. Banja Luka**, Kralja Petra I Karađorđevića 92,78000 Banja Luka, koji je dostavio prihvatljivu ponudu sa najnižom cijenom u iznosu od 13.990,00 bez PDV-a, odnosno 16.368,30 KM (slovima: šesnaest hiljadatristotinešezdesetosam i 30/100 KM) sa uključenim PDV-om.

Član 2.

Ugovor za nabavku usluge: **LOT 2 – „Izrada projekta elektro i mašinskih instalacija u Upravnoj zgradi“**, dodjeljuje se ponuđaču **Institut za građevinarstvo IG d.o.o. Banja Luka**, Kralja Petra I Karađorđevića 92,78000 Banja Luka, koji je dostavio ponudu sa najnižom cijenom u iznosu od 2.999,00 KM bez PDV-a odnosno 3.508,83 KM (slovima: tri hiljadepetstotinaosam i 83/100 KM) sa uključenim PDV-om.

Član 3.

Izabrani ponuđač iz člana 1. i 2. ove Odluke se obavezuju da u roku ne dužem od 5 (pet) dana od dana zaprimanja ove Odluke dostavi originale ili ovjerene kopije dokaza o ispunjavanju uslova u skladu sa datom izjavom iz člana 45. stav (1) tačka a), b) c) i d) Zakona o javnim nabavkama.

Član 4.

U skladu sa članom 70. stav (6) i 71. Zakona o javnim nabavkama, Memorijalni centar Srebrenica-Potočari Spomen obilježje i mezarje za žrtve genocida iz 1995. godine će ovu Odluku objaviti na svojoj interenet stranici www.srebrenicamemorial.org i to istovremeno s upućivanjem Odluke ponuđačima koji su učestvovali u postupku javne nabavke.

Član 5.

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, zajedno sa Zapisnikom o pregledu i ocjeni ponuda broj: 05-16-3-1051-8/25 od 13.05.2025. godine u skladu sa članom 71. stav (2) Zakona o javnim nabavkama.

Obrazloženje

Memorijalni centar Srebrenica-Potočari Spomen obilježje i mezarje za žrtve genocida iz 1995. godine je u skladu sa članom 87. i 88. Zakona o javnim nabavkama, pokrenuo postupak javne nabavke putem konkurentskog zahtjeva, broj: 05-16-3-1051-1/25 od 29.04.2025. godine, za nabavku usluga: „Usluge izrade projektne dokumentacije“. Procijenjena vrijednost javne nabavke bez PDV-a iznosila je 28.750,00 KM bez PDV-a. Procijenjena vrijednost nabavke po LOT-ovima (bez PDV-a) iznosi:

LOT 1 - *Elaborat o stanju konstrukcije tri objekta u Memorijalnom centru Srebrenica-Potočari: 25.000,00 KM*

LOT 2 - *Izrada projekta elektro i mašinskih instalacija u Upravnoj zgradi: 3.750,00 KM*

Obavještenje o nabavci broj: 1348-7-2-20-3-19/25 objavljeno je dana 25.04.2025. godine na Portalu javnih nabavki i u „Sl. Glasniku BiH“ broj: 27/25 od 09.05.2025. godine.

Komisija za javne nabavke imenovana je Rješenjem, broj: 01-16-3-170/25 od 14.01.2025. godine.

Iz Izvještaja o preuzimanju tenderske dokumentacije preuzetog sa Portala javnih nabavki na osnovu objavljenog Obavještenja, broj: 1348-7-2-23/25 od 12.05.2025. godine, utvrđeno je da je tendersku dokumentaciju preuzelo ukupno 17 ponuđača.

Na osnovu Obavještenja o nabavci i tenderske dokumentacije izvršeno je javno otvaranje ponuda dana 12.05.2025. godine u 11,15 sati u prostorijama Memorijalnog centra Srebrenica-Potočari Spomen obilježje i mezarje za žrtve genocida iz 1995. godine, što je konstatovano u Zapisniku o otvaranju ponuda u skladu sa Zakonom.

Komisija je na javnom otvaranju ponuda konstatovala da su svoje ponude blagovremeno dostavila tri (3) ponuđača: 1. TRACEST d.o.o. Sarajevo; 2. Univerzitet u Sarajevu – Građevinski fakultet; 3. Institut za građevinarstvo IG d.o.o. Banja Luka, te da su ponudili sljedeće cijene ponuda:

- TRACEST d.o.o. Sarajevo za LOT 1: 14.800,00 KM bez PDV-a i bez popusta;
- Univerzitet u Sarajevu–Građevinski fakultet za LOT 1: 23.250,00 KM bez PDV-a i 7% popusta;
- Institut za građevinarstvo IG d.o.o. Banja Luka za LOT 1: 13.990,00 KM bez PDV-a i bez popusta, i za LOT 2: 2.999,00 KM

Dana 13.05.2025. godine, Komisija se ponovo sastala radi pregleda i ocjene dostavljenih ponuda, odnosno da bi utvrdila da li ponuđači ispunjavaju uslove iz člana 45. do 52. Zakona i da li su svi ponuđači dostavili tehnički zadovoljavajuće ponude u skladu sa zahtjevima iz tenderske dokumentacije, te da li ponuđene usluge odgovaraju predmetu nabavke i tehničkim specifikacijama.

Komisija je konstatovala sljedeće:

- Uvidom u ponudu ponuđača **TRACEST d.o.o. Sarajevo**, Komisija je konstatovala da je ponuđač u svojoj ponudi u smislu dokazivanja ispunjavanja uslova iz tenderske dokumentacije dostavio svu potrebnu dokumentaciju za LOT 1 predmetne nabavke;
- Uvidom u ponudu ponuđača **Univerzitet u Sarajevu–Građevinski fakultet**, Komisija je konstatovala da je ponuđač u svojoj ponudi, u smislu dokazivanja ispunjavanja uslova iz tenderske dokumentacije dostavio svu potrebnu dokumentaciju za LOT 1 predmetne nabavke.
- Uvidom u ponudu ponuđača **Institut za građevinarstvo IG d.o.o. Banja Luka**, Komisija je konstatovala da je ponuđač u svojoj ponudi, u smislu dokazivanja ispunjavanja uslova iz tenderske dokumentacije dostavio svu potrebnu dokumentaciju za LOT 1 i LOT 2 predmetne nabavke.

Obzirom da je pristigao dovoljan broj prihvatljivih ponuda za oba LOT-a i da Ugovori o javnoj nabavci usluga ili radova koji za predmet imaju intelektualni rad, a koji se ne mogu rangirati pomoću automatskih metoda ocjene, ne mogu biti predmet e-Aukcije, **Komisija za nabavke je rangirala prihvatljive ponude i predložila Ugovornom organu:**

- da se Ugovor za nabavku usluge za **LOT 1 - "Elaborat o stanju konstrukcije tri objekta u Memorijalnom centru Srebrenica-Potočari"** dodjeli ponuđaču **Institut za građevinarstvo IG d.o.o. Banja Luka**, Kralja Petra I Karađorđevića 92,78000 Banja Luka koji je dostavio prihvatljivu ponudu sa najnižom cijenom u iznosu od 13.990,00 bez PDV-a, odnosno 16.368,30 KM (slovima: šesnaest hiljadatristotinešezdesetosam i 30/100 KM) sa uključenim PDV-om.

- da se Ugovor za nabavku usluge za **LOT 2 - „Izrada projekta elektro i mašinskih instalacija u Upravnoj zgradi“**, dodjeljuje se ponuđaču **Institut za građevinarstvo IG d.o.o. Banja Luka**, Kralja Petra I Karađorđevića 92,78000 Banja Luka, koji je dostavio prihvatljivu ponudu sa najnižom cijenom u iznosu od **2.999,00 KM** bez PDV-a odnosno 3.508,83 KM (slovima: tri hiljadepetstotinaosam i 83/100 KM) sa uključenim PDV-om.

Komisija je sačinila Zapisnik o pregledu i ocjeni ponuda, broj: 05-16-3-1051-8/25 od 13.05.2025. godine, koji je sastavni dio ove Odluke i kao takav se dostavlja svim učesnicima u postupku javne nabavke.


U postupku donošenja ove Odluke, posebno su cijenjene činjenice da je Komisija pravilno i potpuno, izvršila ocjenu kvalifikovanosti ponuđača te pregled i ocjenu ponude za oba LOT-a, u skladu sa kriterijima iz tenderske dokumentacije.

U postupku ocjene provedenog postupka, Ugovorni organ nije našao razloge, nepravilnosti niti propuste u radu, koji bi eventualno bili osnov za neprihvatanje prijedloga Komisije za provođenje postupka javne nabavke.

U skladu sa prednje navedenim, odlučeno je kao u dispozitivu.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi putem Ugovornog organa. Žalba se izjavljuje Ugovornom organu, u pisanoj formi direktno na protokol Ugovornog organa ili preporučenom poštom, u roku od 5 (pet) dana od dana prijema ove Odluke.


DIREKTOR
Službe Memorijalnog centra
Dr. Emir Suljagić

Dostaviti:

1. TRACEST d.o.o. Sarajevo
2. Univerzitet u Sarajevu – Građevinski fakultet
3. Institut za građevinarstvo IG d.o.o. Banja Luka
4. Arhivi

Prilog: Zapisnik o pregledu i ocjeni ponuda, broj: 05-16-3-1051-8/25 od 13.05.2025. godine